

摛藻堂四庫全書薈要

集部

欽定四庫全書
欽定全唐詩要卷一萬八千十八集部

御定全唐詩卷六百十三

皮日休

過題一作雲居院玄福上人舊居

重到雲居獨悄然隔窗窺影尚疑禪不逢野老來聽法
猶見隣僧為引泉龕上已生新石耳壁間空帶舊茶烟
南宗弟子時時到泣把山花奠几筵

陪江西裴公遊襄州延慶寺

丹霄路上歇征輪勝地偷閒一日身不署前驅驚野鳥
唯將後乘載詩人巖邊候吏雲遮却竹下朝衣露滴新
更向碧山深處問不妨猶有草茅臣

西塞山泊漁家

白綸巾下髮如絲靜倚楓根坐釣磯中婦桑村挑葉去
小兒沙市買蓑歸雨來蓴菜流船滑春後鱸魚墜釣肥
西塞山前終日客隔波相羨盡依依

襄州春遊

信馬騰騰觸處行春風相引與詩情等閒遇事成歌詠
取次衝筵隱姓名映柳一作竹認人多錯誤透花窺鳥最
分明岑年單絞何曾著莫道猖狂似禡衡

送從弟皮一本無崇歸復州

此字

羨爾優游正少年竟陵烟一作月似吳天車螯近岸無
妨一作勞取舴艋隨風不費牽虞虞路傍千頃稻家家門
外一渠蓮懸懸莫笑襄陽住為愛南溪塘一作縮項鯿

題潼關蘭若

潼津罷警有招提。近百年無戰馬嘶壯士。不言三尺劔謀臣。休道一丸泥。昔時馳道洪波上。今日宸居紫氣西。關吏不勞重借問。棄繻生擬入耶溪。

襄陽閒居與友生夜會

習隱悠悠世不知。林園幽事遞相期。舊絲再上琴調晚。壞葉重燒酒煖遲。三徑引時寒步月。四隣偷得夜吟詩。草玄寂淡無人愛。不遇劉歆更語誰。

習池晨起

清曙蕭森載酒來涼風相引繞亭臺數聲翡翠背人去

一番

一作芙蓉含日開菱葉深深埋釣艇魚兒漾漾逐

流杯竹屏風下登山屐十宿高陽忘却迴

秋晚自洞庭湖別業寄穆秀才

破村寥落過重陽獨自櫻寧葦草房風捲紅蕉仍換葉
雨淋黃菊不成香野猿偷栗重窺戶落雁疑人更繞塘
他日若修耆舊傳為予添取此書堂

華山李鍊師所居

麻姑古貌上仙才謫向蓮峰管玉臺瑞氣染衣金液啓
香烟映面紫文開孤雲盡日方離洞雙鶴移時只有苔
深夜寂寥存想歇月天時下草堂來

宏詞下第感恩獻兵部侍郎

分明仙籍列清虛自是還丹九轉疎畫虎已成翻類狗
登龍纔變即為魚空慚季布千金諾但負劉弘一紙書
猶有報恩方寸在不知通塞竟何如

襄州漢陽王故宅

碑字依稀廟已荒猶聞耆舊憶賢王園林一半為他主
山水虛言是故鄉戰戶野蒿生翠瓦舞樓栖鴟汙雕梁
柱天功業緣何事不得終身似霍光

傷盧獻秀才

獻有愍征賦一卷人為作注

愍征新價欲凌空一首堪欺左太沖只為白衣聲過重
且非青漢路難通貴侯待寫過門下詞客偷名入卷中
手弄桂枝嬾不折直教身歿負春風

南陽

昆陽王氣已蕭疎依舊山河捧帝居廢路蹋平殘瓦礫
破墳耕出爛圖書綠莎滿縣年荒後白鳥盈溪雨霽初
二百年來霸王業可知今日是丘墟

秋晚訪李處士所居

門前襄水碧潺潺靜釣歸來不掩闌書閣鼠穿厨麁破
竹園霜後桔槔閒兒童不許驚幽鳥藥草須教上假山
莫為愛詩偏念我訪君多得醉中還

李處士郊居

石衣如髮小水一作溪清溪上柴門架樹成園裏水流澆竹響窗中人靜下棋聲幾多狎鳥皆諳性無限幽花未得名滿引紅螺詩一首劉楨失却病心情

送令狐補闕歸朝

文如日月氣如虹舉國重生正始風且願仲山居左掖只憂徐邈入南宮朝衣正在天香裏諫草應焚禁漏中為說明年今日事晉廷新拜黑頭公

洛中寒食二首

千門萬戶掩斜暉繡幃金銜晚未歸擊鞠王孫如錦地
鬪雞公子似花衣嵩雲靜對行臺起洛鳥閒穿上苑飛
唯有路傍無意者獻書未納問淮肥

遠近垂楊映鈿車天津橋影壓神霞弄春公子正迴首
趁節行人不到家洛水萬年雲母竹漢陵千載野棠花
欲知豪貴堪愁處請看邙山晚照斜

登第後寒食杏園有宴因寄錄事宋垂文同年

雨洗清明萬象鮮滿城車馬簇紅筵恩榮雖得陪高會

科禁惟憂犯列仙當醉不知開火日正貧那似看花年
縱來恐被青娥笑未納春風一宴錢

陳先輩故居

杉桂交陰一里餘逢人渾似洞天居千株橘樹唯沽酒
十頃蓮塘不買魚藜杖閒來侵徑竹角巾端坐滿樓書
襄陽無限烟霞地難覓幽奇似此殊

奉和魯望寒夜訪寂上人次韵

院寒青一作清沈沈霜棧乾鳴入古林數葉貝書松

火暗一聲金磬檜烟深陶潛見社無妨醉殷浩譚經不
廢吟何事欲攀塵外契除君皆有利名心

江南道中懷茅山廣文南陽博士三首

寒嵐依約認華陽遙想高人卧草堂半日始齋青餽飯
移時空印白檀香鶴雖入夜歸雲屋乳管逢春落石牀
誰道夫君無伴侶不離窗下見羲皇

住在華陽第八天望君唯欲結良緣堂局洞裏千秋燕

雁一作厨蓋巖根數斗一作泉壇上古松疑度世觀中幽

鳥恐成仙不知何事迎新歲烏納裘中一覺眠
烏納裘出王筠集

五色香烟惹內文

許遠遊燒香五色烟

石飴初熟酒初微

一作醺

將

開丹竈那防鶴欲算棊圖却望雲海氣平

一作半

生當洞

見瀑冰初坼隔山聞如何世外無交者

許邁與王羲之父子為世外之

交一卧金壇只有君

奉和魯望早春雪中作吳體見寄

威仰噤死不敢語瓊花雲魄清珊瑚溪光冷射觸鷓鴣

柳帶凍脆攢欄杆竹根乍燒玉節快酒面新潑金膏寒
全吳縹瓦十萬戶惟君與我如袁安

吳中言情寄魯望

古來傖父愛吳鄉一上胥臺不可忘愛酒有情如手足
除詩無計似膏肓宴時不輟琅書味齋日難判玉蟾香
為說松江堪老處滿船烟月濕莎裳

行次野梅

鶯拂蘿捎一樹梅玉妃無侶獨裴回好臨王母瑤池發

合傍蕭家粉水開共月已為迷眼伴與春先作斷腸媒
不堪便向多情道萬片霜華雨損來

揚州看辛夷花

臘前千朵亞芳叢細膩偏勝素柰功臻首不言披曉雪
麝臍無主任春風一枝拂地成瑤圃數樹參庭是藥宮
應為當時天女服至今猶未放全紅

暇日獨處寄魯望

幽慵不覺耗年光犀柄金徽亂一牀野客共為賒酒計

家人同作借書忙園蔬預遣分僧料廩粟先教算鶴糧
無限高情好風月不妨猶得事吾王

屐步訪魯望不遇

雪晴墟里竹欹斜蠟屐徐吟到陸家荒徑掃稀堆柏子
破扉開澀染苔花壁閒定欲圖雙檜厨靜空如飯一麻
擬受太玄今不遇可憐遺恨似侯芭

開元寺客省早景即事

客省蕭條柿葉紅樓臺如畫倚霜空銅池數滴桂上雨

金鐸一聲松杪風鶴靜時來珠像側鵠馴多在寶幡中
如何今一作塵外虛為契不得支公此會同

奉和魯望獨夜有懷吳體見寄

病鶴帶霜傍獨屋破巢含雪傾孤梧濯足將加漢光腹
抵掌欲捋梁武鬚隱几清吟誰敢敵枕琴高一作卧真
堪圖此時枉欠高散物楠瘤作樽石作爐

病中有人惠海蟹轉寄魯望

紺甲青筐染沾衣島夷初寄北人時離居定有石帆覺

失伴唯應海月知族類分明連環玷

環玷似小蚌有小人呼為蟹奴

形容好箇似蟛蜞病中無用霜螯處寄與

夫君左手持

病中美景頗阻追遊因寄魯望

瘦牀閒卧晝迢迢唯把真如慰寂寥南國不湏收薏苡
百年終竟是芭蕉藥前美祿應難斷枕上芳辰豈易銷
看取病來多少日早梅零落玉華焦

魯望以花翁之什見招因次韵酬之

九十攜鋤傴僂翁小園幽事盡能通
斸烟栽藥為身計
負水澆花是世功婚嫁豈期杉葉紫蓋藏
應待桂枝紅不知家道能多少只在句芒一夜風

病中庭際海石榴花盛發感而有寄

一夜春光一作綻絳囊碧油枝上晝煌煌風勻祗似調
紅露日暖唯變化赤霜火齊滿枝燒夜月金津含藥滴
朝陽不知桂樹知情否無限同遊阻陸郎

早春以橘子寄魯望

箇箇和枝葉捧鮮彩凝疑一作猶帶洞庭煙不為韓嫣金丸重直是周王玉果圓剖似日魂初破後弄如星髓未銷前知君多病仍中聖盡送寒苞向枕邊

病中書情寄上崔諫議時眼疾未平

十日來來曠奉公閑門無事忌春風蟲絲度日繁琴薦蛙粉經時落酒筒馬足歇從殘漏外魚須拋在亂書中慙慚莫怪求醫切只為山櫻欲放紅

病孔雀

煙花雖媚思沈冥猶自抬頭護翠翎強聽紫簫如欲舞
因眠紅樹似依屏因思桂蠹傷肌骨為憶松鵝損換一作換
性靈盡日春風吹不起鉢毫金缕一星星

奉和魯望上元日道室焚修

明真臺上下仙官玄藻初吟萬籟寒飈御有聲時杳杳
寶衣無影自珊瑚藥書乞見齋心易玉籍求添一作天拜
首難端簡不知清景暮靈薰香燼落金壇

奉酬魯望惜春見寄

十五日中春日好可憐沈痼冷如灰以前雖被愁將去
向後須教醉一作酒領來梅片盡飄輕粉靨柳芽初吐爛
金醅病中無限花番次為約東風且住開

聞魯望遊顏家林園病中有寄

一夜韶姿著水光謝家春草滿池塘細挑泉眼尋新脉
輕把花枝嗅摸一作宿香蝶欲試飛猶護粉鶯初學轉尚
羞簧分明不得同君賞盡日傾心羨索郎

奉和魯望春雨即事次韵

織恨凝愁映鳥飛半旬飄灑掩韶暉山容洗得如烟瘦
地脉流來似乳肥野客正閒移竹遠幽人多病探花稀
何年細濕華陽道兩乘巾車相並歸

魯望春日多尋野景日休抱疾杜門因有是寄
野侶相逢不待期半緣幽事半緣詩烏紗任岸穿筋竹
白袷從披趁肉芝數卷蠹書摹處展幾升菰米釣前炊
病中不用君相憶折取山櫻寄一枝

魯望以躬掇野蔬兼示雅什用以酬謝

杖摘春烟暖向陽煩君為我致盈筐深挑乍見牛脣液

爾雅云蕷牛絅掐徐聞鼠耳香

本草云葉似鼠耳莖赤可生食

紫甲採

從泉脈畔翠牙搜自石根傍彫胡飯熟餳鰈軟不是高

人不合嘗

卧病感春寄魯望

烏皮几上困騰騰玉柄清羸魄不能昨夜眠時稀似鶴
今朝餐數減於僧藥銷美祿應一作因夭折醫過芳辰定

鬼憎任是雨多遊未得也須收在探花朋

奉和魯望徐方平後聞赦次韵

金雞烟外上臨軒紫誥新垂作解恩涿鹿未銷初敗血
新安頓雪已坑魂空林葉盡蝗來郡腐骨花生戰後村
未遣蒲車問幽隱共君應老抱桐孫

奉詒魯望見答魚牋之什

輕如隱起膩如飴除却鮫工解製稀欲寫恐成河伯詔
試裁疑是水仙衣毫端白獮脂猶濕指下冰蠶子欲飛
若用莫將閒處去好題春思贈江妃

病後春思

連錢錦暗麝氣氤荆思多才詠郢君孔雀鈿寒窺沼見
石榴紅重墮堦聞牢愁有度應如月春夢無心祇似雲
應笑病來慚滿願花牋好作斷腸文

偶成小酌招魯望不至以詩為解因次韵酬之
醉侶相邀愛早陽小筵催辦不勝忙衝深柳駐吳娃
幘倚短花排羯鼓牀金鳳欹為鶯引去鈿蟬疑被蝶
句將如何共是忘形者不見漁陽摻一場

以紗巾寄魯望因而有作

周家新樣替三梁

頭巾起後
周武帝

裹髮偏宜白面郎掩斂乍

疑裁黑霧輕明渾似戴玄霜今朝定見看花是明日應

聞渡酒香更有一般君未識虎文巾在絳霄房

臨頽宅將有歸于

一作
子歸

之日魯望以詩見貺因

抒懷酬之

共老林泉忍暫分此生應不識廻文幾枚竹笥送德曜
一乘柴車迎少君舉案品多緣澗藥承家事少為谿雲

居然自是幽人事輒莫教他孫壽聞

奉和魯望謝惠巨魚之半

釣公來信自松江三尺春魚撥刺霜腹內舊鈎苔染澀
腮中新餌藻和香冷鱗中斷榆錢破寒骨平分玉筋光
何事覶君偏得所祇緣同是越航郎

館娃宮懷古

豔骨已成蘭麝土宮牆依舊壓層崖鴛臺雨壞逢金鏹
香徑泥銷露玉釵硯沼只留溪一作鳥浴屢廊空信一

任
野 花 理 始 蘇 麋 鹿 真 間 事 須 為 當 時 一 憴 懷

以 紫 石 砚 寄 魯 望 兼 謝 見 贈

樣 如 金 鏡 小 能 輕 微 潤 將 融 紫 玉 英 石 墨 一 研 為 凰 尾
寒 泉 半 勺 是 龍 睛 驚 人 白 正 傷 心 暗 狹 客 紅 筵 奪 眼 明
兩 地 有 期 皆 好 用 不 須 空 把 洗 溪 聲

奉 和 魯 望 同 遊 北 禪 院

戚 歷 杉 陰 入 草 堂 老 僧 相 見 似 相 忘 吟 多 幾 轉 蓮 花 漏
坐 久 重 焚 柏 子 香 魚 憷 齋 時 分 淨 食 鴿 能 閑 虞 傍 禪 林

雲林滿眼空羈滯欲對彌天卻自傷

孫發百篇將遊天台請詩贈行因以送之

孫子荆家思有餘元戎曾薦入公車百篇宮體喧金屋
一日官銜下玉除紫府近通齋後夢赤城新有寄來書
因逢二老如相問正滯江南為鯢魚

奉和魯望薔薇次韵

誰繡連延滿戶陳暫應遮得陸郎貧紅芳掩斂將迷蝶
翠蔓飄颻欲挂人低拂地時如墮馬高臨牆處似窺隣

祇應是董雙成戲剪得神霞寸寸新

聞開元寺開筭園寄章上人

園籟開聲駭鹿羣滿林鮮輝水犀文森森競泣林梢雨
雙雙一作攢爭穿石上雲並出亦如鵝管合各生還似犬
牙分折烟束露如相遺何屑明朝不茹葷

開元寺佛鉢詩

并序

按釋法顯傳云佛鉢本在毘舍離今在乾陀衛竟
若干百年當復至西月支國若干百年至于闐國

若干百年當至屈茨國若干百年當復來漢地晉
建興二年二聖像浮海而至滄瀆僧尼輩取之以
歸今存于開元寺後建興八年漁者於滄瀆沙汭
上獲之以為曰類乃輦而用焉俄有佛像見於外
漁者始為異意滄瀆二聖之遺祥也乃以鉢供之
迄今尚存余遂觀而為之詠因寄天隨子

帝青石作綠冰姿佛律云此鉢帝青玉石也曾得金人手自
持拘律樹邊齋散後提羅花下洗來時乳麋味斷中天

覺夢麌香消大劫知從此共君親頂戴斜風應不等閒
吹

夏首病愈因招魯望

曉入清和尚祫衣夏陰初合掩雙扉一聲撥穀桑柘晚
數點春鋤烟雨微貧養山禽能箇瘦病闊芳草就中肥
明朝早起非無事買得蓆絲待陸機

奉和魯望新夏東郊閒泛

一本此下有見懷次韵四字

水物輕明淡似秋多情才子倚蘭舟碧莎裳下携詩草

黃篾樓中挂酒簷蓮葉蘸波初轉櫂魚兒簇餌未諳鉤
共君莫問當時事一點沙禽一作鷗勝五侯

奉和魯望四月十五日道室書事

望朝齋戒是尋常靜一作盡啟金根名經第幾章竹葉飲為

甘露色蓮花鮓作肉芝香松膏背日一作雨凝雲磴丹粉
經年染石牀剩欲與君終此志頑仙唯恐鬢成霜

奉和魯望看壓新醅一本此下有次韵二字

一簍松花細有聲旋將渠榦撤寒清秦吳只恐芻來近

劉項真能釀得平酒德有神多客頌醉鄉無貨沒人爭

五湖煙水郎山月合向樽前問底名

登初陽樓寄懷北平郎中

危樓新製號初陽白粧青菱射沼光避酒幾浮輕舴艋
下慕曾覺睡鴛鴦投鉤列坐圍華燭格簾分朋占靚妝
莫怪重登頻有恨二年曾侍一作舊吳王

夏初訪魯望偶題小齋

半里芳陰到陸家藜牀相勸飯胡麻林間度宿拋棋局

壁上經旬挂釣車野客病時分竹米隣翁齋日乞藤花
踟蹰未放閒人去半片紗帽待月華

所居首夏水木尤清適然有作

病來無事草堂空晝水一作永休聞十二箇桂靜似逢青

眼客松間如見綠毛翁潮期暗動庭泉碧梅信微侵地
障紅盡日枕書慵起得被君猶自笑從公

重玄寺元達年逾八十好種名藥凡所植者多
至自天台四明色山句曲叢翠絲糅各可指名

余奇而訪之因題二章

雨滌烟鋤區僂賚

一作偃
破籬

紺牙紅甲兩三畦藥名却笑

桐君少年紀翻嫌竹祖低白石靜敲蒸火清泉閒洗

種花泥怪來昨日休持鉢一尺彫胡似掌齊

香蔓蒙龍覆昔邪桂煙杉露濕袈裟石盆換水撈松葉
竹徑穿牀避筍芽藜杖移時挑細藥銅餅盡日灌幽花
支公謾道憐神駿不及今朝種一麻

欽定四庫全書

卷六百十三

御定全唐詩卷六百十三

欽定四庫全書
欽定全唐詩卷一萬八千十九集部

御定全唐詩卷六百十四

皮日休

懷華陽潤卿博士三首

先生一向事虛皇天市壇西與世忘環堵養龜看氣訣
刀圭餌犬試仙方靜探石腦衣裾潤閒鍊松脂院落香
聞道徵賢須有詔不知何日到良常

冥心唯事白英君不問人間爵與勲林下醉眠仙鹿見

洞中閒話隱芝聞石林卧苦渾無鮮藤篋開稀恐有雲
料得虛皇新詔樣青瓊板上綠為文

鳳骨輕來稱瘦容華陽館主未成翁

陶隱君昔為華陽館主

數行

玉札存心久一掬雲漿漱齒空白石煮多熏屋黑丹砂
埋久染泉紅他年欲事先生去十賚須加陸逸沖

逸沖嘗事

隱居隱居錫名棲靜處士十賚猶人間九錫也

魯望以竹夾膝見寄因次韵謝

圓於玉柱滑於龍來自衡陽彩翠中拂潤恐飛清夏雨

叩虛疑貯碧湘風大勝書客裁成東頗賽谿翁截竹筒
從此角巾因爾戴俗人相訪若為通

夏景無事因懷章來二上人二首

澹景微陰正送梅幽人逃暑纏柂杯水花移得和魚子
山蕨收時帶竹胎嘯館大都偏見一作得月醉鄉終竟不
聞雷更無一事唯留客卻被高僧怕不来

佳樹盤珊枕草堂此中隨分亦閒忙平鋪風簟尋琴譜
靜掃烟窗著藥方幽鳥見貧留好語白蓮知卧送清香

從今有計消閒日更為支公置一牀

寄瓊州楊舍人

德星芒彩瘴天涯酒樹堪消謫宦嗟行遇竹王因設奠
居蓬木客又遷家清齋淨浸桃榔鷄遠信閒封蓋蕊花
清切會須歸有日莫貪匱漏足丹砂

魯望以輪鉤相示緬懷高致因作三篇

角柄孤輪細膩輕翠蓬十載伴君行燃時解轉蟾蜍魄
拋處能啼絡緯聲七里灘波喧一舍五雲溪月靜三更

朱衣鮒足和蓑睡誰信人間有利名

一線飄然下碧塘溪翁無語遠相望蓑衣舊去烟披重
簷笠新來雨打香白鳥白蓮為夢寐清風清月是家鄉
明朝有物充君信檣酒三饼寄夜航

檣酒出沈約集

盡日悠然舟艋輕小輪聲細雨溟溟三尋絲帶桐江爛
一寸鉤含笠澤腥用近詹何傳釣法收和范蠡養魚經
孤篷半夜無餘事應被嚴灘賂酒醒

吳中書事寄漢南裴尚書

萬家無事鑠蘭橈鄉味腥多厭紫鷺江文通集云水似

紫鷺石劫也

慕文交度郭柳如行障儼遮橋青梅蒂重初迎雨白鳥

羣高欲避潮唯望舊知憐此意得為餒鬼也逍遙

夏景冲澹偶然作二首

祗隈蒲褥岸烏紗味道澄懷景便斜紅印寄泉慙郡守
青筐與笋媿僧家茗爐盡日燒松子書按經時剥瓦花
園吏暫棲君莫笑不妨猶更著南華

一室無喧事事幽還如貞白在高樓天台畫得千迴看

湖目一作芳來百度遊

湖目蓮子也

無限世機吟處息幾多

身計釣前休他年謁帝言何事請贈劉伶作醉侯

送李明府之任海南

五羊城在蜃樓邊墨綬垂腰正少年山靜不應聞屈鳥
草深從使翳貪泉蟹奴晴上臨潮檻燕婢秋隨過海船
一事與君消遠宦乳蕉花發訟庭前

寄題羅浮軒轅先生所居

亂峰四百三十二羅浮山峰數名欲問徵君何處尋紅翠山鳥

數聲瑤室響

山有璇房瑤
室七十有二

真檀一炷石樓深山都遣負

沽來酒樵客客看化後金從此謁師知不遠求官先有

葛洪心

宿報恩寺水閣

寺鑠雙峰寂不開幽人中夜獨裴回池文帶月鋪金簟
蓮朵含風動玉杯往往竹梢搖翡翠時時杉子擲莓苔
可憐此際誰曾見唯有支公畫看來

醉中偶作呈魯望

谿雲澗鳥本吾儕
剛為浮名事事乖
十里尋山為思役
五更看月是情差
分將吟詠華雙鬢
力以壺觴固百骸
爭得草堂歸卧去
共君同作太常齋

寄滑州李副使員外

兵繞臨淮數十重
鐵衣才子正從公
軍前草奏旄頭下
城上封書箭筈中
園合只應聞曉雁
血腥何處避春風
故人勲重金章貴
猶在江湖積劍功

傷史拱山人

一緘幽信自襄陽上報先生去歲亡山客為醫翻貰藥
野僧因弔卻焚香峰頭孤冢為雲穴松下靈筵是石牀
宗炳死來君又去終身不復到紫桑

吳中言懷寄南海二同年

曲水分飛歲已賒東南為客各天涯退公祗傍蘇勞竹
移宴多隨末利花銅鼓夜敲溪上月布帆晴照海邊霞
三年謾被鱸魚累不得橫經侍絳紗

奉和魯望白鷗詩

雪羽襯
褪半惹泥海雲深處舊巢迷池無飛浪爭教舞
洲少輕沙若遣棲烟外失羣慚雁驚波中得志羨鳬鶩
主人恩重真難遇莫為心孤憶舊溪

奉和魯望懷楊台文楊鼎文二秀才

羊羣留我昔經春各以篇章鬪五雲賓草每容閒處見
擊琴多任醉中聞釣前青翰交加倚醉後紅魚取次分
為說風標曾入夢上仙初著翠霞席

友人以人參見惠因以詩謝之

神草延年出道家

神草別名

是誰披露記三樞開時的定涵

雲液斲後還應帶石花名士寄來消酒渴野人煎處撇
泉華從今湯劑如相續不用金山焙上茶

傷進士嚴子重詩并序

余為童在鄉校時簡上抄杜舍人牧之集見有與
進士嚴惲詩後至吳一日有客曰嚴某余志其名
久矣遽懷文見造於是樂得禮而觀之其所為工
於七字往往有清便柔媚時可軼駭於常軌其佳

者曰春光冉冉歸何處更向花前把一杯盡日問
花花不語為誰零落為誰開余美之諷而未嘗怠
生舉進士亦十餘計偕余方寃之謂乎竟有得於
時也未幾歸吳興後兩月咸通十一年也雪人至云生以
疾亡於所居矣噫生徒以詞聞於士大夫竟不名
而逝豈止此而湮沒耶江湖間多美材士君子苟
樂退而有文者死無不為時惜可勝言耶於是哭
而為詩魯望生之友也當為我同作

十哭都門榜上塵蓋棺終是五湖人生前有敵唯丹桂
沒後無家祇白蘋箬下斬新醒處月江南依舊詠來春
知君精爽應無盡必在酆都頌帝晨

梁成酆都官頌
紂絕標帝晨

奉和魯望早秋吳體次韻

書淫傳癖窮欲死譊譊何必頻相仍日乾陰蘚厚堪剥
藤把欹松牢似繩搗藥香侵白袷袖穿雲潤破烏紗稜
安得瑤池飲殘酒半醉騎下垂天鵬

奉和魯望秋賦有期次韵

十載江湖一作南盡是閒客兒詩句滿人間
郡侯聞譽親邀得鄉老知名不放還應帶瓦花
經汴水更攜雲寃出色山太微宮裏環岡樹無限
瑤枝待爾攀

奉和魯望病中秋懷次韵

貧病於君亦太兼才高應亦被天嫌因分鶴料家資減
為置僧餐口數添靜裏改詩空凭几寒中注易不開簾
清詞一一侵真宰甘取窮途不用占

新秋即事三首

癡號多於顧愷之更無餘事可從知酒坊吏到常先見

鶴料符來每探支

吳郡有鶴料案

涼後每謀清月社晚來專赴

白蓮期共君無事堪相賀又到金鑾玉鱗時

堪笑高陽病酒徒幅巾瀟灑在東吳秋期淨掃雲根瘦
山信廻緘乳管粗白月半窗抄术序清泉一器授芝圖
乞求待得西風起盡挽烟帆入太湖

露槿風杉滿曲除高秋無事似雲廬醉多已任家人厭
病久還甘吏道疎青桂巾箱時寄藥白綸卧具半拋書

君卿脣舌非吾事且向江南問鰻魚

南陽潤卿將歸雷平因而有贈

借問山中許道士此廻歸去復何如竹屏風扇抄遺事
柘步輿竿繫隱書絳樹實多分紫鹿丹沙泉淺種紅魚
東卿旄節看看至靜啟茅齋慎掃除

訪寂上人不遇

何處尋雲暫廢禪客來還寄草堂眠桂寒自落翻經案
石冷空消洗鉢泉爐裏尚飄殘玉篆龕中仍鑠小金仙

須將二百籤廻去得一作待 得支公恐隔年

顧道士亡弟子以東帛乞銘于余魯望因賦戲

贈日休奉和

師去東華郤鍊形門人求我誌金庭大椿枯後新為記
仙鶴亡來始有銘前朝文集未瓊板欲刊知不朽冰紈
有道士銘誌

將受恐通靈君才莫歎無茲分合注神玄劍解經

秋夕文宴得遙字

啼蠻衰葉共蕭蕭文宴無喧夜轉遙高韻竅宜題雪讚

逸才偏稱和雲謠風吹翠蠟應難刻月照清香太易消
無限玄言一杯酒可能容得蓋寬饒

南陽廣文欲於荆襄卜居因而有贈

地脉從來是福鄉廣文高致更無雙青精飯熟雲侵竈
白衲裘成雪濺窗度日竹書千萬字經冬未煎兩三缸
鱸魚自是君家味莫背松江憶漢江

寄毘陵魏處士朴

文籍先生不肯官絮巾衝雪把魚竿一堆方冊為侯印

三級幽巖是將臺醉少竄因吟月冷瘦多偏為卧雲寒
兔皮衾暖蓬舟穩欲共誰遊七里灘

初冬偶作寄南陽潤卿

寓居無事入清冬雖設樽罍酒半空白菊為霜翻帶紫
蒼苔因雨卻成紅迎潮預遣收魚笱防雪先教蓋鶴籠
唯待支硎最寒夜共君披筆訪林公

冬曉章上人院

山堂冬曉寂無聞一句清言憶領軍琥珀珠黏行處雪

櫻櫚篳埽卧來雲松扉欲啟如鳴鶴石鼎初煎若聚蚊
不是戀師終去晚陸機算內足毛羣

寄題鏡巖周尊師所居并序

處州仙都山山之半有洞口下望之如鑑目之曰
鏡巖下去地二百尺上者以竹梯為級中如方丈
內有乳水滴瀝嵌罅黃老徒周君景復居焉迨八
十年不食乎粟日唯焚降真香一炷讀靈寶度人
經而已東牟段公柯昔為州日聞其名梯其室以

造之且曰君居此久矣乳水之滴晝夜可知量乎
周君曰某常揣之盡晝與夜一斛加半焉公異而
禮之後柯別十二年日休至吳處人過說周君尚
存吟想其道無由以覩因寄題是詩云

八十餘年住鏡巖鹿皮巾下雪影影林寒不奈雲繁枕
經潤何妨雨滴函飲澗猿迴窺絕洞緣梯人歇倚危杉
如何計吏窮於鳥欲望仙都舉一帆

寒夜文宴得泉字

分明競襲七香牋王朗風姿盡列仙盈篋共開華頂藥
滿鉢同坼惠山泉蟹因霜重金膏溢橘為風多玉腦鮮
吟罷不知詩首數隔林明月過中天

庚寅歲十一月新羅弘惠上人與本國同書請
日休為靈鷲山周禪師碑將還以詩送之

三十麻衣弄渚禽豈知名字徹雞林勒銘雖即多遺草
越海還能抵萬金鯨鬚曉掀峰正燒鼇晴夜沒島還陰
深一作二一千餘字終天別東望辰韓淚灑襟

送潤卿博士還華陽

雪打蓬舟離酒旗
華陽居士半酣歸
逍遙只恐逢雲將
恬澹真應降月妃
仙市鹿胎如錦嫩
陰宮燕肉似酥肥
公車草合蒲輪壞
爭不教他白日飛

寒日書齋即事三首

參佐三間似草堂
恬然無事可成忙
移時寂歷燒松子
盡日殷勤拂乳牀
將近道齋先衣褐
欲清詩思更焚香
空庭好待中宵月
獨禮星辰學步罡

不知何事有生涯皮褐親裁學道家深夜數甌唯柏葉
清晨一器是雲華盆池有鶯窺蘋沫石版無人掃桂花
江漢欲歸應未得夜來頻夢赤城霞

方朔家貧未有車肯從榮利捨樵漁從公未怪多侵酒
見客唯求轉借書暫聽松風生意足偶看溪月世情疎
如鉤得貴非吾事合向烟波為五魚

松江有五魚

臘後送內大德從勗遊天台

講散重雲下九天大君恩賜許隨緣霜中一鉢無辭乞

湖上孤舟不廢禪夢入瓊樓寒有月

天台山有金庭不死之鄉及瓊樓王

室行過石樹凍無烟

按消山有石樓樹吏伍曜於海際得之枝莖紫色有

光南越謂之石連理也他時瓜鏡知何用吳越風光滿御筵

寄題玉霄峰葉涵象尊師所居

青冥向上玉霄峰元始先生戴紫蓉曉案瓊文光洞壑

夜壇香氣惹杉松間迎仙客來為鶴靜喚靈符去是龍

子細揜心無偃骨

偃骨在胸者名入星骨

欲隨師去肯相容

奉和魯望寄南陽廣文

一本此下有還雷平三字

次韵

春彩融融釋凍塘日精閒燕坐巖房瓊函靜啟從猿觀
金液初開與鶴嘗八會舊文多搭一作榻寫七真遺語剩
思量不知夢到為一作驚何處紅藥滿山烟月香

題支山南峰僧

雲侵壞衲重隈肩不下南峰不記年池裏羣魚曾受戒
林間孤鶴欲參禪雞頭竹上開危徑鴨脚花中掩廢泉
無限吳都堪賞事何如來此看師眠

送董少卿遊茅山

名卿風度足杓斜一舸間尋二許家天影曉通金井水
山靈深護玉門沙空壇禮後銷香母陰洞緣時觸乳花
盡待于公作建尉卿嘗為大理用法有廉平之稱不須從此便餐霞

酬魯望見迎綠罽次韵

輕裁鴨綠任金刀不怕西風斷野蒿
訓贈既無青玉案纖華猶欠赤霜袍
烟披怪石難同逸竹映仙禽未勝高
成後料君無別事只應酣飲詠離騷

寄懷南陽潤卿

鹿門山下捕魚郎今向江南作渴羌無事只陪看藕樣
有錢唯欲買湖光醉來渾忘移花處病起空聞焙藥香
何事對君猶有媿一蓬衝雪返華陽

魯望憫承吉之孤為詩序邀余屬和欲用余道
振其孤而利之噫承吉之困身後乎魯望視余
因與承吉生前孰若一作苦哉未有已因而能振

人者抑為之辭用塞良友

先生清骨葬烟霞業破孤存孰為嗟幾箇詩編分貴位

一林石笋散豪家兒過舊宅啼楓影姪繞荒田泣稗花
唯我共君堪便戒莫將文譽作生涯

寄潤卿博士

高眠可為要玄纁鵲尾金爐一世焚

陶貞白有金鵲尾香爐

塵外

鄉人為許椽山中地主是茅君將収芝菌唯防雪欲曬
圖書不奈雲若使華陽終卧去漢家封禪用誰文

奉和魯望白菊

已過重陽半月天琅華半點照寒烟藥香亦似浮金靨

花樣還如鏤玉錢
玩影馮妃堪比艷
鍊形蕭史好爭妍
無由摘向牙箱裏
飛上方諸贈列仙

華亭鶴聞之舊矣及來吳中以錢半千得一隻
養之殆經歲不幸為飲啄所誤經夕而卒悼之
不已遂繼以詩南陽潤卿博士浙東德師侍御
昆陵魏不琢處士東吳陸魯望秀才及厚於予
者悉寄之請垂見和

池上低摧病不行誰教仙魄返層城
陰苔尚有前朝跡

皎月新無昨夜聲菰米正殘三日料筠籠休礙九霄程
不知此恨何時盡遇著雲泉即愴情

傷開元觀顧道士

協晨宮上啟金扉詔使先生坐蛻歸鶴有一聲應是哭
丹無餘粒恐潛飛烟淒玉笥封雲篆月慘琪花葬羽衣
腸斷雷平舊遊處五芝無影草微微

醉中即席贈潤卿博士

適越遊吳一散仙銀餅玉柄兩翛然茅山頂上攜書簏

笠澤心中漾酒船桐木布溫吟倦後桃花飯熟醉醒前
謝安四十餘方起猶自高間得數年

偶留羊振文先輩及一二文友小飲日休以眼
病初平不敢飲酒遣侍密歡因成四韵

謝莊初起恰花晴強侍紅筵不避觥久斷杯孟華益喜
忽聞歌吹谷神驚襯褪正重新開柳咮囁難通乍轉鶯
猶有僧虔多蜜炬不辭相伴到天明

奉送浙東德師侍御罷府西歸

建安才子太微仙暫上金臺許二年形影欲歸溫室樹
夢魂猶傍越溪蓮空將海月為京信尚使樵風送酒船
從此受恩知有處免為偷鬼恨吳天

送羊振文先輩往桂陽歸觀

桂陽新命下彤墀彩服行當欲雪時登第已聞傳禰賦
問安猶聽講韓詩竹人臨水迎符節曹琨湘中賦云簷中實內有實狀
如人風母穿雲避信旗桂陽山中有風母也擊鼓見風輒活無限湘中悼

騷恨憑君此去謝江蘿

褚家林亭

廣亭遙對舊娃宮竹島蘿溪委曲通茂苑樓臺低檻外
太湖魚鳥徹池中蕭疎桂影移茶具狼籍蘋花上釣筒
爭得共君來此住便披鶴氅對清風

送圓載上人歸日本國

講殿談餘著賜衣榔帆卻返舊禪扉貝多紙上經文動
如意餅中佛爪飛颺母影邊持戒宿波神宮裏受齋歸
家山到日將何入一作白象新秋十二圍

重送

雲濤萬里東頭射馬臺深玉署秋

射馬臺即今王城也

無限屬

城為裸國幾多分界是宣州

州在會稽海外傳是徐福之裔

取經海底

開龍藏誦咒空中散蜃樓不奈此時貧且病乘桴直欲

伴師遊

潤卿遺青餌飯魚之一絕聊用答謝

傳得三元餌飯名大宛聞說有仙卿

案西梁子文撰黃錦素書十通其二

傳大宛北谷子分泉過屋春青稻此飯以青拂霧影衣
自號青精先生

折紫莖南稻莖微紫色蒸處不教雙鶴見服來唯怕五雲生草

堂空坐無飢色時把金津漱一聲

鴛鴦二首

雙絲絹上為新樣連理枝頭是故園翠浪萬迴同過影
玉沙千處共棲痕若非足恨佳人魄即是多情年少魂
應念孤飛爭別宿蘆花蕭瑟雨黃昏

鉢鏡雕縷費深功舞妓衣邊繡莫窮無日不來湘渚上
有時還在鏡湖中烟濃共拂芭蕉雨浪細雙遊菡萏風

應笑豪家鸚鵡伴年年徒被鎖金籠

御定全唐詩卷六百十四

欽定四庫全書薈要卷一萬八千二十集部

御定全唐詩卷六百十五

皮日休

傷小女

一歲猶未滿九泉何太深唯餘卷書一作草相對共傷

二

秋漢一作江曉望

萬頃湖天碧一星飛鷺白此時放懷望不厭為浮客

間夜酒醒

醒來山月高孤枕羣一作琴書裏酒渴漫思茶山童呼不

起

和魯望風人詩三首

刻石書離恨因成別後悲莫言春繭薄猶有萬重思
鏤出容刀飾親逢巧笑難日中騷客佩爭奈即闌干
江上秋聲起從來浪得名逆風猶挂席苦不會凡一作帆

情

古函闕

破落古闕城猶能扼帝京今朝行客過不待曉雞鳴

聰明泉

一勺如瓊液將愚擬望賢欲知心不變還似飲貪泉

史處士

山期須早赴世累莫遲留忽遇狂風起閒心不自由

芳草渡

溪南越鄉音古柳渡江深日晚無來客閒船繫綠陰

古宮詞三首

樓殿倚明月參差如亂峰宮花半夜發不待景陽鐘
閒騎小步馬獨遙萬年枝盡日看花足君王自不知

玉枕寐不足宮花空觸簷梁間燕不睡應怪夜明簾

春日陪崔諫議櫻桃園宴

萬樹香飄水麝風蠟燼花雪盡成紅夜深歡態狀不得

醉客圖開明月中

衛協畫醉客圖

松江早春

松陵清淨雪消初見底
新安恐未如穩凭船舷無一事
分明數得鱠殘魚

女墳湖

即吳王墓
之所

萬貴千奢已寂寥
可憐幽憤為誰嬌
須知韓重相思骨
直在芙蓉向下消

泰伯廟

一廟爭祠兩讓君
幾千年後轉清氣
當時盡解稱高義
誰敢教他莽卓聞

宿木蘭院

木蘭院裏雙棲鶴長被金鉢聒不眠今夜宿來還似爾
到明無計夢雲泉

重題薔薇

濃似猩猩初染素輕如燕燕欲凌空可憐細麗難勝日
照得深紅作淺紅

春夕酒醒

四弦纔罷醉蠻奴郵釅餘香在翠爐夜半醒來紅蠟短

一枝寒淚作珊瑚

青胥一作門間泛

青翰虛徐夏思清愁烟漠漠荷花平醉來欲把田田葉
盡裏當時醒酒鯖

木蘭後池三詠

重臺蓮花

欹紅矮嬌力難任每葉頭邊半米金可得教他水妃見
兩重元是一重心

浮萍

嫩似金脂颺似烟多情渾欲擁紅蓮明朝擬附南風信
寄與湘妃作翠鉢

白蓮

但恐醍醐難並潔祇應簷菊可齊香半垂金粉知何似
靜婉臨溪照額黃

重題後池

細雨闌珊眠鶯覺鉢波悠漾並鴛鴦適來會得荆王意

祇為蓮莖重細腰

庭中初植松桂魯望偶題奉和次韵

綰綰綠髮垂輕露獵獵丹華動細風恰似青童君欲會
儼然相向立庭中

魯望戲題書印囊奉和次韵

金篆方圓一寸餘可憐銀艾未思渠不知夫子將心印
印破人間萬卷書

館娃宮懷古五絕

綺閣飄香下太湖亂兵侵曉上姑蘇越王大有堪羞處
祇把西施賤得吳

鄭姐無言下玉墀夜來飛箭滿吳思越王定指高臺笑
却見當時金鏤帽

半夜娃宮作戰場血腥猶雜宴時香西施不及燒殘蠟
猶為君王泣數行

素襪雖遮未掩羞越王猶怕伍員頭吳王恨魄今如在
只合西施瀨上遊

響屢廊中金玉步采蘋

一作蘭

山上綺羅身不知水葬今

何處溪月彎彎欲效顰

虎丘寺西小溪閒泛三絕

鼓子花明白石岸桃枝竹覆翠嵐溪分明似對天台洞
應厭頑仙不肯迷

絕壑祇憐白羽傲窮溪唯覺錦鱗癡更深尚有通樵處
或是秦人未可知

高下不驚紅翡翠淺深還礙白薔薇船頭繫箇松根上

欲待逢仙不擬歸

天竺寺八月十五日夜桂子

玉顆珊珊下月輪
殿前拾得露華新
至今不會天中事
應是嫦姮一作娥擲與人

釣侶二章

趁眠無事避風濤
一斗霜鱗換濁醪

吳中賣魚論

驚怪兒童

呼不得盡衝烟雨
渡車螯

嚴陵灘勢似雲崩
釣具歸來放石層
烟浪濺篷寒不睡

更將枯蚌點漁燈

寄同年韋校書

二年疎放飽江潭水物山容盡足耽惟有故人憐未替
欲封乾鱠寄終南

初冬偶作

豹皮茵下百餘錢劉墮閒沽盡醉眠酒病校來無一事
鶴亡松老似經年

醉中寄魯望一壺弄一絕

門巷寥寥空紫苔先生應渴解醒杯醉中不得親相倚
故遣青州從事來

更次來韵寄魯望

蕭蕭紅葉擲蒼苔玄晏先生欠一杯從此問君還酒債
顏延之送幾錢來

重玄寺雙矮檜

撲地枝回是翠鈿碧絲籠細不成烟應如天竺難陀寺
一對狻猊相枕眠

奉酬魯望醉中戲贈

秦吳風俗昔難同唯有才情一作清才事事通剛憇水雲歸

不得前身應是太湖公

臯橋

臯橋依舊綠楊中閭里猶生隱士風唯我到来居上館
不知何道勝梁鴻

軍事院霜菊盛開因書一絕寄上諫議一本無
寄字

金華千點曉霜凝獨對壺觴又不能已過重陽三十日

至今猶自待王弘

悼鶴

莫怪朝來淚滿衣墜毛猶傍水花飛遠東舊事今千古
却向人間葬令威

醉中先起李穀戲贈走筆奉訓

麝烟苒苒生銀兔蠟淚漣漣滴繡闌舞袖莫欺先醉去
醒來還解驗金泥

奉和魯望招潤卿博士辭以道侶將至之作

瘦木樽前地肺圖為君偏輟俗功夫靈真散盡光一作

來此莫戀安妃在後無

奉和再招一作文
招潤卿

飈御已應歸杳眇博山猶自對氤氳不知入夜能來否
紅蠟先教刻五分

酒病偶作

鬱林步障畫遮明一炷濃香養病醒何事晚來還欲飲
隔牆聞賣蛤蜊聲

潤卿魯望寒夜見訪各惜其志遂成一絕

世外為交不是親醉吟俱岸白綸巾風清月白更三點

未放華陽鶴上人

奉和魯望玩金鸕鷀戲贈

鏤羽彫毛迥出羣溫磨飄出膚躋熏夜來曾吐紅茵畔
猶似自一作溪邊睡不聞

友人許惠酒以詩徵之

野客蕭然訪我家霜威白菊兩三花子山病起無餘事

只望蒲臺酒一車

庚信集云蒲州刺史中
山公許酒一車未送

寒夜文讌潤卿有期不至

草堂虛灑待高真
不意清齋避世塵
料得焚香無別事
存心應降月夫人

汴河懷古二首

萬艘龍舸綠絲間
載到揚州盡不還
應是天教開汴水
一千餘里地無山

盡道隋亡為此河
至今千里賴通波
若無水殿龍舟事

共禹論功不較多

寄題天台國清寺齊梁體

十里松門國清路
飯猿臺上菩提樹
怪來烟雨落晴天
元是海風吹瀑布

詠蟹

未遊滄海早知名
有骨還從肉上生
莫道無心畏雷電
海龍王處也橫行

金錢花

陰陽為炭地為爐鑄出金錢不用模莫向人間逞顏色
不知還解濟貧無

惠山聽松菴

千葉蓮花舊有香半山金刹照方塘殿前日暮高風起
松子聲聲打石林

御定全唐詩卷六百十五

謹案卷六百十三第九頁前四行病鶴帶霜傍獨

屋刊本霜訛霧據原集改





總校官庶吉士臣張能照

校對官庶吉士臣何思鈞

謄錄監生臣許祖懷

欽定四庫全書會要

集部

御定全唐詩卷六百二十一至十六

詳校官原任主事
臣李斯咏

欽定四庫全書
欽定全唐詩卷六百十六

集部

御定全唐詩卷六百十六

皮日休

雜體詩并序

案舜典帝曰夔命汝典樂教胄子詩言志歌永言

在焉周禮太師之職掌教六詩諷賦既興風雅互作雜體遂生焉後係之於樂府蓋典樂之職也在漢代李延年為協律造新聲雅道雖缺樂府乃盛

饒歌鼓吹拂舞予俞因斯而興詞之體不得不因時而易也古樂書論之甚詳今不能備載載其他見者案漢武集元封三年作柏梁臺詔羣臣二千石有能為七言詩者乃得上坐帝曰日月星辰和四時梁王曰驂駕駟馬從梁來由是睽句興焉孔融詩曰漁父屈節水潛匿方作郡姓名字離合也由是離合興焉晉傅咸有廻文反覆詩二首云反覆其文者以示憂心輾轉也悠悠遠邁獨榮莞是

也由是反覆興焉晉溫嶠有廻文虛言詩云寧神
靜泊損有崇亡由是廻文興焉梁武帝云後牖有
朽柳沈約云偏眠船舷邊由是疊韵興焉詩云蝶
棲在東又曰鴛鴦在梁由是雙聲興焉詩云維南
有箕不可以簸揚維北有斗不可以挹酒漿近乎乎
戲也古詩或為之蓋風俗之言也古有采詩官命
之曰風人圍碁燒敗襖看子故依然由是風人之
作興焉梁書云昭明善賦短韵吳均善壓强韵今

亦效而為之存于編中陸生與予各有是為允八
十六首至如四聲詩三字離合全篇雙聲疊韵之
作悉陸生所為又足見其多能也案齊竟陵王郡
縣詩曰追芳承荔浦揖道信雲丘縣名由是興焉
案梁元藥名詩曰戍客恒山下當思衣錦歸藥名
由是興焉陸與予亦有是作至如鮑照之建除沈
炯之六甲十二屬梁簡文之卦名陸惠曉之百姓
梁元帝之鳥名龜兆蔡黃門之口字古兩頭纖纖

藁砧五雜組已降非不能也皆鄙而不為噫由古
至律由律至雜詩之道盡乎此也近代作雜體唯
劉賓客集中有迴文離合雙聲疊韵如聯句則莫
若孟東野與韓文公之多他集罕見足知為之之
難也陸與予竊慕其為人遂合已作為雜體一卷
屬余序雜體之始云

苦雨雜言寄魯望

吳中十日涔涔雨歇蒸庫下豪家苦可憐臨頃陸先生

獨自翛然守環堵兒飢僕病漏空厨無人肯典破衣裾
蟲羸時時上几案蠹鼴往往跳琴書桃花米斗半百錢
枯荒濕壞炊不然兩牀茵席一素几仰卧高聲吟太玄
知君志氣如鐵石甌冶雖神銷不得乃知苦雨不復侵
枉費畢星無限力鹿門人作州從事周章似鼠唯知醉
府金廩粟虛請來憶著先生便知媿媿多饋少真徒然
相見唯知攜酒錢豪華滿眼語不信不如直上天公牋
天公牋方修次且榜鳴蓬來一醉

奉和魯望齊梁怨別次韵

芙蓉泣恨紅鉛落一朶別時烟似幕鴛鴦剛解惱離心
夜夜飛來櫂邊泊

奉和魯望曉起廻文

孤烟曉起初原曲碎樹微分半浪中湖後釣筒移夜雨
竹傍眠几側晨風圖梅帶潤輕霑墨畫蘚經蒸半失紅
無事有杯持永日共君惟好隱牆東

奉詒魯望夏日四聲四首

平聲

塘平芙蓉低庭間梧桐高清烟埋陽烏藍空含秋毫冠
傾慵移簪杯乾將餔糟翛然非隨時夫君真吾曹

平上聲

溝渠通疎荷浦嶼隱淺篠舟閒攢輕蘋葉動起靜鳥陰
稀餘桑閑縷盡晚蘿小吾徒當斯時此道可以了

平去聲

怡神時高吟快意乍四顧村深啼愁鶲浪霽醒睡鷺書

疲行終朝罩困卧至暮吁嗟當今交暫貴便異路

平入聲

先生何違時一室習寂歷松聲將飄堂岳色欲壓席彈
琴奔玄雲斲藥折白石如教題君詩若得札玉冊

苦雨中又作四聲詩寄魯望

平聲

涔涔將經旬昏昏空迷天鷺鷥成羣嬉芙蓉相偎眠魚
通蓑衣城帆過菱花田秋收吾無望悲之真徒然

平上聲

河平州橋危壘晚水鳥上衝崖搜松根點沼寫芡響舟
輕通縈紆棧墮阻指掌攜橈將尋君渚滿坐可徃

平去聲

狂霖昏悲吟瘦桂對病卧檐虛能影斜舍蠹易漏破宵
愁將琴攻畫悶用睡過堆書仍傾觴富貴未換箇

平入聲

羈棲愁霖中缺宅屋木惡荷傾還驚魚竹滴復觸鶴間

僧千聲琴宿客一笈藥悠然思夫君忽憶蠻屐著

奉和魯望疊韻雙聲二首

疊韻山中吟

穿烟泉潺湲觸竹續般鯁荒篁香牆匡熟鹿伏屋一作屈

曲

雙聲溪上思

疎杉低通灘冷鷺立亂浪草彩欲夷猶雲容空澹蕩

奉和魯望疊韻吳宮詞二首

！

侵深尋欵岑勢厲衛睥睨荒王將鄉亡細麗蔽袂逝

衿楮替製曳康莊傷荒涼主虜部伍苦嬌亡房廊香

奉和魯望閒居雜題五首

晚秋吟

以題十五

字離合

東臯烟雨歸耕日免去玄

一作黃

冠手刈禾火滿酒爐詩

在口今人無計奈儂何

好詩景

青盤香露傾荷女子墨風流更不言寺寺雲蘿堪度日

京塵到死撲侯門

醒聞檜

解洗餘醒晨半酉一作酒星星仙吹起雲門耳根無一作莫

厭聽佳木會盡山中寂靜源

寺鐘暝

百緣斗數無塵土寸地章煌欲布金重擊蒲牢啞山日
冥冥烟樹覩棲禽

砌思步

灑灑古薜繡危石切切陰蟬應晚田心事萬端何處止

少夷峰下舊雲泉

奉和魯望藥名離合夏日即事三首

季春人病拋芳杜仲夏溪波繞壞垣衣典濁醪身倚桂
心中無事到雲昏

數曲急溪衝細竹葉舟來往盡能通草香石冷無辭遠
志在天台一遇中

桂葉似葍含露紫葛花如綬蘸溪黃連雲更入幽深地

骨錄閒攜相獵郎

懷錫山藥名離合二首

暗竇養泉容決決明園護桂放亭亭歷山居處當天半
夏裏松風盡足聽

曉景半和山氣白薇香清淨雜纖雲實頭自一事一作是眠
平石腦側空林看虎羣

懷鹿門縣名離合二首

山瘦更培秋後桂溪澄閒數晚來魚臺前過雁盈千百

泉石無情不寄書

十里松蘿陰亂石門前幽事雨來新野霜濃處憐殘菊
潭上花開不見人

奉和魯望寒日古人名一絕

北顧歡遊悲沈宋

梁武改為北顧

南徐陵寢歎齊梁水邊韶景

無窮柳寒被江淹一半黃

胥口即事六言二首

波光杳杳不極霽景澹澹初斜黑蝶黏蓮葉紅蜻蜓

裏凌花鴛鴦一處兩處舡三家五家會把酒船偎依
共君作箇生涯

拂釣清風細麗飄蓑暑雨霏微湖雲欲散未散
嶼鳥將飛不飛換酒梢頭把看載蓮艇子撐歸斯人到死還樂
誰道剛須用機

夜會問答十首

寒夜清日休問龜蒙簾外迢迢星斗明况有蕭閒洞中客吟

為紫鳳呼凰聲時華陽廣文先生在焉

癭木杯

龜蒙問
日休

杉贊楠瘤劄得來莫怪家人畔邊笑渠

心祇愛黃金罍

落霞琴

日休
問責

寥寥山水揚清音玉皇仙馭碧雲遠空使

松風終日吟

蓮花燭

責問
日休

亭亭嫩蕊生紅玉不知含淚怨何人欲問

無由得心曲

金火障

日休問
龜蒙

紅獸飛來射羅幌夜來斜展掩深爐半

睡芙蓉香蕩漾

憶山月

龜蒙
問責

前溪後溪清復絕看看又及桂花時空寄

子規啼處血

錦鯨薦

責問
日休

碧香紅膩承君宴樂度閒眠却覺來彩鱗

飛出雲濤面

懷溪雲

日休
龜蒙

漠漠閒籠鷗鷺羣有時日暮碧將合還

被漁舟來觸分

霜中笛

龜蒙
日休

落梅一曲瑤華滴不知青女是何人三

奏未終頭已白

月下橋日休問
龜蒙風外拂殘衰柳條倚欄杆處獨自立青

翰何人吹玉簫

御定全唐詩卷六百十六

欽定四庫全書
欽定全唐詩卷一萬八千二十二

集部

御定全唐詩卷六百十七

陸龜蒙

陸龜蒙字魯望蘇州人元方七世孫舉進士不第辟蘇湖二郡從事退隱松江甫里多所論撰自號天隨子以高士召不赴李蔚盧攜素重之及當國召拜拾遺詔方下卒光化中贈右補闕集二十卷今編詩十四卷

讀襄陽耆舊傳因作詩五百言寄皮襲美

漢臯古來雄山水天下秀高當軒翼分化作英髦固暴
秦之前人灰滅不可究自從宋生賢特立冠者舊離騷
既一作紀日月九辯即列宿卓哉悲秋辭合在風雅右龐
公樂幽隱辟聘無所就祇愛鹿門泉泠泠倚巖漱孔明
卧龍者潛伏躬耕耨忽遭玄德雲遂起鱗角鬪三胡節
皆峻二習名亦茂其餘文武家相望如斥堠緬思齊梁
降寂寞寡清胄凝融為漪瀾復結作瑩琇不知粹和氣
有得方大受一作授將生皮夫子上帝可其奏并包數公

才用以殿厥後嘗聞兒童歲嬉戲陳俎豆積漸開詞源
一派分萬溜先崇丘旦室大懼隳結構次補苟孟垣所
貴亡罅漏仰瞻三皇道蠻風在宇宙却視五霸圖股掌
弄孩幼或能醯醴髀或與翼雛縠或喜掉直舌或樂斬
邪脰或耨鉏翳蒼或整理錯謬或如百千騎合沓原野
狩又如曉江平風死波不皺幽理力須掘遺落貲必購
乃於文學中十倍猗頓富囊乏向咸鎬馬重遲步驟專
場射策時縛虎當羿彀歸來把通籍且作高堂壽未足

逞戈矛誰云被文繡從知偶東下帆影拂吳岫物象悉

摧藏精靈是雕鏤伊余抱沈疾顚願守圭竇方推洪範

疇更念大玄首去聲陳詩採風俗學古窮蒙籀朝朝貢新

米往往逢責詬既被鄰里輕亦為妻子陋持冠適甌越

敢怨不得售窘若麗沙魚悲如哭霜狹唯君枉車轍以

逐海上臭披襟兩相對半夜忽白晝執熱灌清風忘憂

飲醇酌驅為文翰倡駕卓參驥廄有時諧宮商自喜真

邂逅道孤情易苦語直詩還瘦藻近如見酬終身致懷

袖

襲美先輩以龜蒙所獻五百言既蒙見和復示
榮唱至於千字提獎之重蔑有稱實再抒鄙懷

用仲酬謝

洪範分九疇轉成天下規河圖孕八卦煥作玄中奇先
開否臧源次第經緯基粵若魯聖出正當周德衰越疆
必載質歷國將扶危諸侯恣崛強王室方陵遲歌鳳時
不偶獲麟心益悲始嗟吾道窮竟使空言垂首贊五十

易又刪三百詩遂令篇籍光可竝日月姿向非筆削功
未必無瑕疵迨至夫子沒一作退微言散如枝一作披所宗

退

微言

散如枝

一作披

所宗

一作披

所宗

既不同所得亦異宜名法在深刻虛玄致希夷自從戰
伐來一派縱橫馳寒谷生豔木沸潭結流澌驚奔失壯
士好惡隨纖兒羸氏并六合勢尊丞相斯加於挾書律
盡取坑焚之南勒會稽頌北恢胡亥低猶懷徧巡狩不
暇親維持及漢文景後鴻生方鉢覩出三部賦簸揚堯舜風
反作三代吹飄颻四百載左右為藩籬鄴下曹父子獵

賢甚熊羆發論若霞駁

魏文帝典論
有論文篇

裁詩如錦摛徐王

應劉輩頭角咸相衰或有妙絕賞或為獨步推或許潤

色美或嫌詆訶癡侈以中利病且非混醇醕雅當乎魏

文麗矣哉陳思不宥少選妄恐貽後世嗤吾祖仗才力

士衡文賦

革車蒙虎皮手持一白旄直向文場麾輕去聲若脫

鉗鈸豁如抽庶庶精鋼不足利驥裏何勞追大可罩山

岳微堪析毫釐十體免負贊百家咸起痿爭入鬼神與

不容天地私一篇邁華藻萬古無子遺刻鵠尚未已雕

龍奮而為

劉勰有文
心雕龍

劉生吐英辭上下窮高卑下臻宋

與齊上指軒從羲豈但標八索殆將包兩儀人謠洞野

老騷怨明湘纍立本以致詰驅宏來抵噦清如朔雪嚴

緩若春煙羸或欲開戶牖或將飾纓綺雖非倚天劖亦

是囊中錐皆由內史意致得東莞詞梁元盡索虜後主

終亡隋哀音但浮脆豈望分雄雌吾唐揖讓初陞列森

谷夔作頌婉吉甫直言過祖伊明皇踐中日墨客肩參

差岳淨秀擢削海寒光陸離皆能取穴鳳盡擬乘雲螭

邇來二十祀俊造相追隨余生落其下亦值文明時少
小不好弄逡巡奉弓箕雖然苦貧賤未省親嚦而秋倚
抱風桂曉烹承露葵窮年只敗袍積日無晨炊遠訪賣
藥客間尋捕魚師歸來蠹編上得以含情窺抗韻吟比
雅覃思念槐蘿因知昭明前剖石呈清琪又嗟昭明後
敗葉理芳蕤縱有月旦評未能天下知徒為強貌豹不
免參狐狸誰蹇行地足誰抽刺天簪誰作河畔草誰為
洞中芝誰若靈囿鹿誰猶清廟犧誰輕如鴻毛誰密如

凝脂誰比蜀嚴靜誰方巴賓貲誰能釣抃鼈誰能灼神
龜誰肯如水火誰同若墳簾誰可作梁棟誰敢驅谷蟲
黎音鹿用此常不快無人動交鍼空消病裏骨枉白愁中
颺鹿門先生才大小無不怡就彼六籍內說詩直解頤
顧我迷未遠開懷潰其疑初開一作看鑒本源漸乃疏旁
支遂古派泛濫皇朝光赫曦揣摩是非際一一如襟期
李杜氣不易孟陳節難移信知君子言可並神明著枯
腐尚求律膏盲猶謁醫況將太牢味見啗通懸飢今來

置家地正枕吳江湄餌薄鉤不曲楚然守空城嘿坐無
影響唯君欵茅茨抽書亂叢帙酌茗煩甌犧或伴補缺
砌或偕詣荒祠孤筇倚煙蔓細木橫風漪觸雨妨扉屢
臨流泥江蘿既狎野人調甘為豪士訾嗤一作不敢負建

鼓唯憂掉降旗希君念餘勇挽袖登文陴

奉酬襲美先輩吳中苦雨一百韻

微生參最靈天與意緒拙人皆機巧求百逕無一達家
為唐臣來奕世唯稷高只垂清白風凜凜自貽厥龜蒙五代

祖六代祖皇猶殘賜書在編簡苦斷絕其間忠孝字萬
朝繼在台輔

古光不減辱孫誠瞢昧有志常捐捐敢云嗣良弓但欲
終守節誼譁不入耳讒佞不挂舌仰詠堯舜言俯遵周
孔轍所貪既仁義豈暇理生活縱有舊田園拋來亦蕪
沒因之成否塞十載真契闊凍骭一襟褕飢腸少糠粃
甘心付天壤委分任迴斡笠澤卧孤雲桐江釣明月盈
筐盛茭茭滿釜煮鱸鰥酒幘風外屐茶槍露中擷茶芽未展者曰槍已旗歌謠非大雅据摭為小說上可補熏蒸傍堪

趾

一作踏

芽孽

龜蒙嘗著
稗說三卷

方當賣曾草

盡以易紙札

蹤跡

尚吳門

夢魂先魏闕

尋聞天子詔

赫怒誅叛卒

宵旰憫

烝黎謨

一作謀

明問征伐王師雖繼下賊壘未即拔此時

淮海波半是生人血霜戈驅少壯敗屋棄羸耋踐蹋比

塵埃焚燒同槁枯吾皇自神聖執事皆間傑射策亦何

為春卿遂聊輟伊余將貢技未有恥可刷却問漁樵津

重耕煙雨撥諸侯急兵食冗賸方翦截不可抱

一作詞

章巡門事干謁歸來闔蓬楗壁立空豎褐煖手抱狐煙

披書向殘雪幽憂和憤懣忽愁

一作忽

自驚蹶文兮之寸

毫武也無尺鐵平生所韜蓄到死不開豁念此令人悲

翕然生內熱加之被駁瘃況復久藜糲既為霜露侵一

卧增百疾筋骸將束縛腠理如葦撻初謂抵狂驅又如

當毒蝎江南多事鬼巫覡連甌粵可口是妖訛恣情專

賞罰良醫只備位藥肆或虛設而我正萎痿安能致訶

咄椒蘭任芳苾精一作精糈從羅列醕筭既屢傾錢刀亦

隨爇兼之瀆財賄不止行盜一作詣天地如有知微妖

豈逃殺其時心力憤益使氣息惙永夜更呻吟空牀但
皮骨君來贊賢牧野鴛聊簪笏謂我同光塵心中有溟
渤輪蹄相壓至問遺無虛月首一作直到春鴻濛猶殘病

根爰看花雖眼暈見酒忘肺渴隱几還自怡逢盧亦爭
喝抽毫更唱和劒戟相磨戛何大不包羅何微不挑刮
今來值霖雨晝夜無暫歇雜若碎淵淪高如破轡轕何
勞鼉吼岸詎要鶴鳴垤祇意江海翻更愁山岳裂初驚
蜜尤陣虎豹爭搏噉又疑伍胥濤蛟蜃相蹙櫻千家濛

潔練忽似好披拂萬瓦垂玉繩如堪取繫結況余居低下本是蛙蚓窟邇來增號呼得以恣唐突先夸屋舍好又恃頭角凸厚地雖直方身能徧穿穴常參莊辯裏亦造楊玄末偃仰縱無機形容且相忽低頭增歎詫到口復嘔咽沮洳漬琴書莓苔染巾襪解衣換倉粟秕稗猶未脫飢鳥屢窺臨泥僮苦春沛或聞秋稼穡大半沈澨澦耕父蠹齊民農夫思旱魃吾觀天之意未必洪水割且要虐飛龍又圖滋跛鼈三吳明太守左右皆儒哲

有力即扶危懷仁過救暎鹿門皮夫子氣調真俊逸截
海上雲鷹橫空天一作下霜一作鶻文壇如命將可以持

韻

玉鉞不獨辰羲軒便當城老佛顧余為山者所得纔簣
撮譬如飾箭材尚欠鍛與苦間將歛兒唱強倚帝子瑟
幸得遠瀟湘不然嗤賈屈開緘窺寶肆璣貝光比櫛朗
詠衝樂懸陶匏響鏗擣古來愁霖賦不是不清越非君
頓挫才冷氣難摧折馳情扣虛寂力盡無所掇不足謝
徽音祇令凋鬢髮

奉酬襲美先輩初夏見寄次韻

積雨晦臯園門前煙水平
頻衡增遙吹枕席分餘清
村旆詫酒美賒來滿鉶程

一作鎰未必減宣子何羨謝公榮

借宅去人遠敗牆連古城
愁鵠占枯枿野鼠趨前楹
昨

日雲破損晚林先覺晴幽篁倚微照碧粉含疎莖蠹簡

有遺字敂

一作疣

琴無泛聲蠶寒幽尚薄鷺喜雛新成覽

物正搖思得君初夏行誠明復散誕化匠

一作工

安能爭

海浪刷三島天風吹六英洪崖領玉節坐使虛音生吾

祖傲洛客因言幾為儉末商實漁者敢懷干墨卿唯思
釣璜老遂得持竿情何須乞鵝炙豈在斟羊羨畦蔬與
甕醕便可相攜迎蟠木几甚曲筍皮冠且輕閒心放羈
勒醉脚從欹傾一逕有餘遠一窓有餘明秦皇苦不達
天下何足并

奉和襲美二遊詩

徐詩

嘗聞四書曰經史子集焉苟非天祿中此事無由全自

從秦火來歷代達遠還漢祖入關日蕭何為政年盡力
取圖籍遂持天下權中興烹平一作延嘉時教化還相宣立

石刻五經置於太學前賊卓亂王室君臣如轉圜洛陽
且煨燼載籍宜為煙逮晉武革命生民纔息肩惠懷亟
寡昧戎羯俄腥羶已覺天地閉競為東南遷日既不暇
給墳索何由專爾後國脆弱人多尚虛玄任學者得謗
清言者為賢直至沈范輩沈約范雲皆藏書數萬卷始家藏簡編御
府有不足仍令就之傳染元諸宮日盡取如蟻蠒兵威

忽破碎焚爇無遺篇近者隋後主搜羅勢駢闐寶函映
玉軸彩翠明霞鮮伊唐受命初載史聲連延砥柱不我
助驚波湧淪漣遂令因去一作往古書半在餘浮泉貞觀購

亡逸蓬瀛漸周旋果然東壁光與月爭流天偉矣開元

中王道真平平八萬五千卷一一皆塗鉛

案開元麗正殿書錄云

人間盛傳寫海內奔窮研自云西齋書有過東臯田吾

聞徐氏子奕世皆才賢因知遺孫謀不用黃金錢插架

幾萬軸森森若戈鋌風吹藏牌聲滿室鏗鏘然佳哉鹿

門子好問如除痼條來參卿處遂得參卿憐開懷展櫈
簾唯在性所便素業已千仞今為峻雲巔雄才舊百派
相近浮日一作百 川君抱苞 王佐圖縱步凌陶甄他時
若報德誰在參卿先

任詩

吳之辟疆園在昔勝概敵前聞富脩竹後說紛怪石竟
子陸羽艷月詩云辟疆
舊林園怪石紛相向 風煙慘無主載祀將六百草色
與行人誰能問遺跡不知清景在盡付任君宅却是五

湖光偷來傍簷隙出門向城路車馬聲躡蹠

一作
輶轔

入門

望亭隈水木氣岑寂聳牆繞曲岸勢似行無極十步一
危梁乍疑當絕壁池容澹而古樹意蒼然僻魚驚尾半
紅鳥下衣全碧斜來島嶼隱恍若瀟湘閣雨靜挂殘絲
煙消有餘脉竭來任公子擺落名利役雖將祿代耕頗
愛巾隨策秋籠支遁鶴夜褐戴顥客說史足為師譚禪
差作伯君多鹿門思到此情便適偶蔭桂堪帷縱吟苔
可席顧余真任誕雅遂中心獲但喜醉還醒豈知玄尚

白甘閑在雞口不貴封龍額即此自怡神何勞謝公屐

次追和清遠道士詩韻

一代先後賢聲容劇河漢況茲邁古士復歷蒼崖竄辰
經幾十萬邈與靈壽競海嶽尚推移都鄙固蕪漫羸僧
下高閣獨鳥沒遠岸嘯初風雨來吟餘鐘咽亂如何鍊
精魄萬祀忽欲半寧為斷臂憂月作秋柏一作散吾聞

鄴宮內日月自昏旦左右脩文郎縱橫灑篇翰斯人久
冥漠得不垂慨歎庶或有神交相從重興讚

補沈恭子詩

并序

案清遠道士詩題中有沈恭子同遊既為神怪之傳得非姓氏謠為恭子乎一作若趙宣子韓獻子之

類耶恭子美謠也而詩中有風流詞翰之稱豈獨唱而不和者歟疑闕其文以為恭子之恨乃作一章存於編中亦補亡之義也

靈質貫軒昊遐年越商周自然失遠裔安得怨寡儔我亦小國脩易名慙見優雖非放曠懷雅奉逍遙遊攜手

桂枝下屬詞山之幽風雨一以過林麓颯然秋落日倚
石壁天寒登古丘荒泉已無夕敗葉翳不流亂翠缺月
隱衰紅清露愁覽物性未逸反為情所囚異才偶絕境
佳藻窮冥搜虛傾寂寞音敢作雜珮酬

御定全唐詩卷六百十七